

周官小史掌天下之地圖達諸王國閭胥掌賢能之書而獻之於王此郡邑志乘所由昉也肥邑之志始修於前明隆慶壬申再修於 國朝康熙壬子迄於嘉慶丙子 前令曾君續纂以來又七十六年矣雖山川道里典章文物一如其舊而人才輩出事故紛乘月異而歲不同 敘曾承之斯邦曠及兩載閒嘗周歷其境進邑中之秀彥而與之詳詢俗尚博攷遺聞叅諸舊志疏畧馳繆不勝枚舉深致病焉昌黎不云乎莫爲之前雖美弗彰莫爲之後雖盛弗傳官守所寄而文獻無徵亦吾人之恥也今年二月適奉上官重修山東通志之檄又值 前令邵香聽觀督挂

肥城縣志

卷首序

冠以後僑寓此間掌教鸞翔書院七載於茲 觀督博洽好古居常於肥邑掌故拾遺補闕著有成書緣是不揣樛昧偕與商榷體例重事纂修并延訂邑中士夫分任採訪之役而以 觀督董其成六閱月而事已蕙遂捐薄俸付諸手民 敘曾一行作吏此事遂廢區區參訂何敢自附於著作之林惟以舊志相辜較則有如宋景文所謂事增於前而文省於昔者豈徒竊取周官之微意而姑塞 上官之命乎哉剞劂既訖例有弁首之序因誌其顛末以紀歲月焉

光緒十有七年歲在重光單闕陽月

請授奉直大大在任候補知州特授萊州府濰縣署肥城縣知縣歸安凌絳曾公赤父敘



肥城縣志

卷首序

二

序

邑之有志猶國之有史也作史難作志尤難史者朝廷之事日有記月百籍歷年雖久稟有實錄執筆者集其成而已乃傳至後人猶多訾議而志則數十餘年一脩或百餘年一脩人往風微事多軼缺傳聞各異蒐緝維艱此實齋章氏所以有州縣設立志科之議也肥城自嘉慶二十一年脩志以來迄今七十有六年矣同治六七年間照宰斯邑即有志續脩彼時軍書旁午守城防河及支應兵車急務日不暇給遑東境肅清愚已受代去其後歷任諸公每欲脩葺一經諮議旋以難而中止歲庚寅吳興凌君初

肥城縣志

卷首序

平來茲斯邑下車後徵文考獻即以舊志缺畧為念會大府有奏脩山東通志之舉檄州縣上其志畧凌君遂尅日集諸紳衿議脩縣志照適主講鸞翔書院凌君約與共事而以採訪之任付之諸紳衿剗之費紙墨之需凌君皆自任之各鄉社以事實進凌君定其去取屬愚草創而討論之盈一弓則商之凌君加以脩飾閱半載而書成夫以余之淺學尠識當少壯時既不能致身於金馬石渠執筆侍

天子左右乃作吏數年退而閉居學殖久荒精力衰體凌君遽付以斯任其書之紕繆百出固不待言惟是凌君以

暫權斯邑慨然捐俸以成數十年難成之事而邑之諸君子又自備資斧往來奔走不辭採訪之勞成此盛舉可喜也抑可敬也是為序

大興邵承照識

肥城縣志

卷首序

二

肥城縣志舊序

皇帝十有一年令天下郡邑各上所志書彙集編摩用成
垂世大典甚盛舉也肥有舊志兵燹之後版籍蕩然
且

聖主建極百度維新三十年來制作大備志其事者必端
委詳明通達條暢是非利害瞭如指掌始可備攷核
而傳久遠誠未易勝任而愉快也邑人楚令尹公以
投閒與王李二生究心此道者有素李生又為中丞
同川公裔家有藏書筆無滯義本青湘之業發彤管
之華去留取舍自可信而可傳也付之殺青不亦文

肥城縣志

卷首舊序

獻之足徵者乎昔人云為政者必有關雎麟趾之意
然後可以行周官之法度余亦曰作令者必體戒石
十六言之意然後可以纂一邑之全書余蓋用是惕
然矣

崑

康熙十一年歲次壬子臘次

賜進士出身文林郎知肥城縣事棘津尹任書於自公堂

肥城縣志序

泰安府屬之肥城古肥子國也春秋時入魯為齊郡
地漢屬泰山郡東漢屬濟北國後省入盧三國為魏
地晉宋仍屬濟北仍為盧元魏復置肥城屬東濟北
郡齊為齊州地周為肥城郡隋屬濟北郡唐屬魯郡
貞觀初省入博城後改博城為乾封遂為乾封地宋
屬東平郡鄆州為平陰地金屬東平府仍為平陰地
元復置肥城屬濟甯路明屬濟南府

肥城縣志

卷首舊序

國朝因之後分屬泰安州雍正十三年升泰安州為泰
安府遂屬泰安府舊為魯地故人物彬雅風俗醇茂
有周公之遺風數千百年如一日以是知流澤餘韻
之入人深也昔樂正子春日子適齊過肥肥有君子
焉不其然乎志緝於康熙中更百餘年人事錯出不
有以增修之將有放失之懼焉南海曾君以庶常改
官於嘉慶十四年出宰斯邑為治五載政事具舉又
慮文獻之或有缺墜也於是訪錄舊聞搜採潛德與
邑之賢士大夫講求討論即舊志續而新之實事求
是淵淵乎文有其質矣當余典郡之年適斯志落成
之日用序數語以著於篇為賢令尹之能以文治者
勸至於山川風物之美泉流華實之資則又天時土

宜亘古如一雖微有變遷要爲博古者所可意得也
嘉慶二十一年十月日知泰安府事長白廷鑑序

肥城縣志舊敘

曾明府蒞任之五年春政事之暇取邑乘閱之經久凋
殘文多漫滅不可讀慨然欲謀重修俾余專其事余
學識淺陋知小不可謀大力小不可任重昔鄭樵作
通志其序略曰江淹有言修史莫難於志誠以志者
憲章所係非老於典故者不能自周官外史掌四方
之志治及後世凡省郡州縣莫不有志而前人所稱
善本惟常璩之華陽志宋敏求之長安志范志能之
吳郡志康德涵之武功志馬定宇之安邱志數家而
外其卓然可傳者不少概見余用是慰焉况

明府素居史館雅號宏通弄斧班門何能見巧遂固辭
再三終不許謹按舊誌序云邑初無志有之自先中
丞同川公始而其誓止於明季兵燹不可復得重修
於

國朝康熙壬子文甚簡質期於傳信不事藻績蓋其慎也
迄今百四十有二年矣閱時既久則其間事之宜補
宜續者及今弗修恐自此以往終將湮沒而不彰甯
無遺憾歎余家無鄴侯之架足資獮祭僅憑見聞所
及兼賴同事諸公網羅散失披拾遺文集衆益而爲
之則是編之不醇不備貽譏孤陋者良多愧無以酬

明府付託之意庶幾為異日彙本云爾

邑人李其熙撰

肥城縣志

卷首 舊序

四

肥城縣志舊序

志者記事之善然不徒為記事之書也先王建邦啟土使司牧之寄以山川社稷曰其罔時怨罔時忒哉錫以土田人民曰其有以養有以教哉故守茲土者夙夜祗慎成民而致力於神俾山川以奠人民以和道德以一風俗以同於是載之於志垂於無窮是紀山川土田紀守山川土田者也紀人物風俗紀治人物風俗者也而且紀忠孝節義紀其足以垂法萬世興起人心者也纂修亦烏容已哉然而難言之矣古列國之有史也皆有史官以掌其事漢唐以來惟守

肥城縣志

卷首 舊序

五

令之賢者自為之或數十年而一見或數百年而一見則徵文考獻之難也昔至聖因魯史作春秋文成數萬其旨數千後世得其意者紫陽綱目而已非得史外傳心之要則筆削之難也若欲維人心彰風教者直與日月爭光仰體至聖筆削之意以垂訓萬世夫豈細人事歟肥邑周之肥子國也繫獨無志闕故明隆慶壬申歲邑侯顧公與中丞同川李公編輯志成至崇禎癸未兵荒頻仍簡復淪失比

大清受命

世祖鼎造

皇上龍飛屈指三十年來世治民安化行俗美急需纂著
端有賴於其人焉已酉之歲我

父臺尹公以翊運名世來守是邦政簡刑清愛民養士

誠民之父母國之循良也聞三年頌聲洋溢百度維

新因慨然於縣志之淪失也欲力為纂修求之舊簡

蕩然無復存者幸有李君手輯藏本在焉李君諱運

昌同川中丞之苗裔也好學力行念先中丞殫心縣

志思垂永久乃未百年而殘缺且君太母鄭氏苦節

六十年奉公命旌表已刊入縣志舊簡既失遂無可

稽君力繩祖武孝思永言於是旁搜博採舉邑之忠

孝節義無弗舉山川土田人物風俗無弗紀焉

積數載而書成秘之枕中所以修千百年之掌故也

尹公取其書而筆削之斷自唐虞以迄今茲凡山川土

田人民貢賦鳥獸草木條分類析罔不畢載至於名

宦鄉賢忠孝節烈尤兢兢致詳如郡侯馬公創建書

院遠聘泰山還朴李先生多士向化著身心體驗克

復敦倫諸說及講餘錄數千言隆慶之季侍御尹公

止以肅清君側為心不以功名得失為念今觀其劾

嚴相七疏至於廷杖回籍洵人所不能言者又尹公

諱東周歷任屬瀆功績茂著崇祀前朝又諱勳者高

肥城縣志 卷首 舊序

六

尙不仕文行表表諸如此類罔不羅列豈非以興感
人心於無窮乎夫以公之胸藏二酉筆撼五丁允足
駕龍門而軼扶風行將登朝翼

聖天子承清大定聲教覃敷日後先纂定

列祖實錄諸太史輪直東觀取肥邑故實為大一統志先

資以詔萬世豈區區郡邑云哉予世居岱下族屬瓜

陔半在肥邑土田室廬半在肥邑邑風氣滄靡子閭

門習靜強半亦在肥邑是以獲讀斯志而知志之所

由成也因特表而出之以俟繼起之君子焉謹序

大清康熙壬子仲冬日長至

賜進士 欽命總督倉場戶部右侍郎加一級致仕王度謹識

肥城縣志 卷首 舊序

七

肥城縣志序

邑之有志以傳信也以示公也以鑒往而誦來也故必使一邑之事燦若列眉而後萬世之下曠若指掌所望名流博物與有道仁人表章而修明之則今之視昔亦猶後之視今矣烏可以闕略而弗敘湮沒而不彰乎昔孔子作春秋整亂繼絕是以筆削則削游夏不能贊焉秦火而後浸以流失所以綱目之作遠紹獲麟也縣志之修詎易言哉肥邑介在齊魯間相傳為康子采田鸞臺鳳山猶存遺跡云故明隆慶壬申邑侯顧公與中丞同川李公遠稽近取彙輯

肥城縣志

卷首 舊序

八

成善山則牛嶺陶麓川則清河泉源壇分南北戶列軍民至若上中下山土別四則焉忘孝節義風餘三古焉以及縣治學宮名宦人物班班可考而知也無何而兵荒疊見舊簡云亡即有一二家藏未見全瑜我

皇清定鼎時移勢易不無變通之制如田則改為一例軍則裁併衛藉賦稅獨照萬厯為則而明末加派者悉除焉固不容盡仍其舊者

聖天子御極以來酌古準今纂修刪定可云集百代之大成矣乃以

國史告竣俾天下郡國具圖以上用備採覽然則縣志之修雖一邑紀載所係而亦勸敏

皇猷因以見端者也哉

父臺尹公以名世之才警試花封三載內惠政清風已見百廢具舉復於縣魚酌水之暇慕公羊穀梁之意余亦退食於家得以從事其際日與二三同志闔邑師儒理舊緒而更新之然後斷者續闕者補遂稱完璧焉矧以前朝先御史忠耿立朝劾權相攫龍鱗昭然在人耳目先大父著績蜀滇之間名列鄉賢載在祀典又何敢不勉為續貂以自附於邑人士歟爰借

肥城縣志

卷首 舊序

九

數言以紀顛末庶足備後之觀風者采擇焉

昔

康熙壬子嘉平月之吉

文林郎原任湖廣永州府永明縣知縣己卯科舉人邑人尹足法謹序

肥城縣志

纂修

鹽運使銜道員用候補知府升任曹州府同知前肥城縣知縣邵承照
鹽課司提舉銜在任候補知州萊州府濰縣知縣署肥城縣知縣凌絳曾

參閱

肥城縣 教諭 王底績

肥城縣 訓導 潘振南

署肥城縣 訓導 田兆漢

分轄

歷城縣 附生 陳士煥

肥城縣志 卷首 姓氏 一

浙江歸安縣 附生 張宗瀚

採訪兼分轄

廩生 孫培本

增生 朱鼎書

採訪兼校對監刊

試用訓導 歲貢生 李經元

廩貢生 安玉林

採訪

增生 喬日碗

臨清州 訓導 尹肇萬

附生 李葆

甲子科 副貢生 朱家惠

四品銜保舉知縣前黃縣教諭已丑科舉人 尹肇爽

廩生 張傳家

增生 王紹先

廩生 尹祚庭

試用訓導 署昌樂縣 訓導 胡鳳儀

廩生 趙乃廣

廩生 劉冠英

廩生 王聖範

肥城縣志 卷首 姓氏 二

鴻臚寺 序班 廩生 尹序周

廩生 尹德祚

附生 陳鴻沂

附生 孫衡陽

附生 趙翰廷

增生 李雲飛

歲貢生 錢立和

試用訓導 前署長清縣 訓導 李慶之

乙酉科 舉人 張龍文

增生 李昌遠

附生 谷鳳翔
附生 張克一

測算

會典館膳錄官浙江德清縣監生 傅范初

繪圖

江蘇嘉定縣監生 張貴勤

校對

五品銜浙江德清縣附貢生 沈鳳城

浙江湖州府學附貢生 凌祖壽

監刊

肥城縣志 卷首姓氏 三

都司用候推守備肥城汛千總 趙良玉

六品銜肥城縣典史 陳恭敏

肥城縣志

明隆慶六年脩志姓氏

知縣顧庭 邑人巡撫河南右副都御史李邦珍

康熙十一年脩志姓氏

知縣尹任 邑人湖廣永明縣知縣尹足法同纂

邑庠生李運昌攷輯 邑庠生羅恕已子羅奇生邑

庠生傅鏗正書 鳩工劉珠

嘉慶二十一年脩志姓氏

知縣曾冠英續編 邑人丙午科舉人李基熙分纂

邑人戊申科舉人尹鴻价歷城丁卯科舉人張懋學

肥城縣志

參訂 邑廩生李其昀尹肇榮增生尹文翬監生展瑞

兆郡庠生孫九疇邑庠生李其良尹鴻偉尹鴻格尹鴻

柚李捷李兆陽李兆琦武庠生孫逢年採輯 郡庠生

田宗賢正書 邑武庠生李基蒸繪圖

典史徐正音邑人江西廬陵縣丞李毓塘督刊

凡例

一自來論志書者皆推朝邑武功二志然二志皆文人
變體非史家正例文中通義論之詳矣永清縣志一
洗從來作家之陋習然曰紀曰表曰圖曰略曰六書
曰列傳曰文徵體例雖本之鄭夾燮究亦一偏之見
惟陸清獻靈壽縣志立意最善而仍不本自來作志
面目今宗其例而變通之不僅重其人已也

一篇目無取乎繁多今分十門曰方域曰古蹟曰建置
曰學校曰禮儀曰田賦曰職官曰登進曰人物曰雜
志靈壽志以地里為第一今亦以方域為第一古蹟

肥城縣志

卷首 凡例

十

應附於方域以篇帙較繁且益以金石於義亦有未
安故別為一門

一靈壽志不載寺觀以關二氏義例極嚴然於作志之
義究有未協武功志入寺觀於建置亦張彼教之隙
今以載在祀典者入禮儀志祠祀條下不在祀典者
俱入古蹟

一職官選舉皆應作表惟金元而上舊多闕略無可編
年僅以前明及 國朝分為一表明以前仍依舊志
序次年分失考者悉附於後且選舉僅仕進之一途
是條目而非綱領故雖列一表而仍名之曰志

一登進志保舉捐納皆載然所載者皆實任官階若候
補候選之官京官必分部行走外官必分發省分方

與登載若但云候選或云保舉幾品為虛銜為功牌
無由分別且廩生捐貢即有以候選訓導稱之者不
得不示以限制若 恩賞 欽賜五貢就職亦必詳
細分別以昭覈實

一人物志中自來作志者多列仙釋最為陋習人物一
門觀感所資乃以怪誕不經之事荒渺無據之談望
人取法此何說也今凡釋道二家皆入雜志以資談
助不得列於人物志中

肥城縣志

卷首 凡例

十一

一藝文一志自漢訖於元明正史所載皆書籍名目非
詞章之謂也今用范氏吳郡志康氏武功志例凡詩
文皆分著註於各條下小變靈壽志之例

一前人云凡詩文之入志者必有關典要或寓勸懲或
資感發無取風雲月露之詞今所錄各詩不少流連
光景之什然或係舊志所載或係名人所作皆於地
理人物互相比附其頌揚之諛詞花不之題咏概不
收入

一五行藝文班書十志之二原可自為一卷然寥寥數
頁與各卷多寡懸殊今俱入雜志此不得已而合之

與古蹟志之不得已而分之其例一也

一文史通義謂修志者當續前人之紀載不當毀前人之成書故康熙嘉慶兩朝舊志所載雖體制微有不合亦不輕易刪減庶有合於前人有改無削之義不獨人物志為然也

一舊志於列女一門皆有小傳亦闡幽之意但近來旌表節孝動至數十百人非有事實不合成例且守節皆須三十年以外覈其實跡大略相同今於舊志所載各傳有改無削近年所旌表祇臚列其姓氏註明某人之妻以省筆墨重複奇節異行仍為立傳至未

肥城縣志

卷首 凡例

三

旌姓氏既經採訪確鑿亦一併甄錄以俟補請

肥城縣志

卷首

序文

例言

卷之一

方域志

卷之二

古蹟志

卷之三

建置志

肥城縣志

卷首 目錄

卷之四

禮儀志

卷之五

學校志

卷之六



田賦志



卷之七

職官志


卷之八

登進志





肥城縣志



六

京師千五鐘 京 朝首知千五鐘 會 加
 東西不同 並出 西 美 岐 全
 退歸東西里 孟明 淵 精 潤 云 東 式 日 出 西 式 齊 半 韻
 對 對 入 音 康 上 給 西 而 東 日 發 賦 由 東 而 西 日 變 無
 風 猶 太 壯 神 神 里 表 表

肥城方域經緯度里表

謹按

京師北極出地三十九度五十五分省城北極出地三十六度四十五分府治北極出地三十六度一十五分今測得肥城縣北極出地三十六度二十分在
 京師卯酉綫南三度三十五分計七百一十六里在
 京師子午綫東二十四分計偏東六十四里距
 京師斜弦七百一十九里在省地卯酉綫南二十五分
 計八十三里在省城子午綫西一十七分計偏西四
 十五里距省城斜弦九十四里在府治卯酉綫北五

肥城縣志

分計一十六里在府治子午綫西二十五分計偏西

六十七里距府治斜弦六十九里作經緯表

| | | | | | | |
|-------|-------|-------|-------|-------|-------|------|
| 北極高度 | 距京經度 | 距京緯度 | 距省經度 | 距省緯度 | 距府經度 | 距府緯度 |
| 度 | 度 | 度 | 度 | 度 | 度 | 度 |
| 分 | 分 | 分 | 分 | 分 | 分 | 分 |
| 秒 | 秒 | 秒 | 秒 | 秒 | 秒 | 秒 |
| 三六〇〇〇 | 二四〇〇〇 | 三五〇〇〇 | 一七〇〇〇 | 二五〇〇〇 | 二五〇〇〇 | 北〇〇〇 |
| 〇〇〇 | 〇〇〇 | 〇〇〇 | 〇〇〇 | 〇〇〇 | 〇〇〇 | 〇〇〇 |

肥城方域較時里差表

謹按人行地上繇西而東日遞加由東而西日遞減
所謂東西里差即周髀所云東方日出西方夜半隨
東西不同之故也列表如左

京師午正較京師省城午正較省城

肥城正一分三秒章一分三十六秒

肥城縣志

二

肥城縣志卷之一

方域志

周禮一書首曰辨方正位建國者灋之志邑者何獨
不然肥之名肇於春秋古已然秦漢而還代有更置
則沿革為大綱而分野疆界因之其他若鄉社若形
勝若山川若風俗物產皆一一類敘焉而方域定矣
作方域志

沿革表

世代統轄

郡國

縣

唐虞夏
青州之域
禹貢海岱

肥城縣志

卷之一 方域

惟青州

商
營州之域
三代釋史

州域表殷無青
州自岱東至海
為營州

周
兗州之域
日兗州

職方肥應劭曰肥子國
河東分封姓氏無考

春秋魯
管子長城之
陽魯也長城
之陰齊也

戰國魯

秦
齊郡

| | | | |
|------|---------------------------------------|-----------|--|
| 漢 | 兗州郡 | 泰山郡 | 肥城 |
| 東漢 | 兗州部 | 齊北國 | 肥城 <small>章帝未嘗入</small> |
| 三國 | 魏地 | 齊北國 | |
| 晉 | 兗州 | 齊北國 | |
| 南宋 | 兗州 | 齊北郡 | 廬 |
| 北魏 | 齊州 | 東齊北郡 | 肥城 <small>孝昌三年置</small> |
| 齊 | 齊州 | 肥城郡 | |
| 周 | 齊州 | 肥城郡 | |
| 隋 | 兗州 | 齊州 | 肥城 |
| 唐 | 河南道兗州 | 魯郡 | 肥城 <small>武德五年置</small> |
| 肥城縣志 | 卷之一 方城 | | |
| 五代 | 兗州 | | 元年廢魯郡入 乾封元年改曰 乾封縣元 龍年復改曰 乾封 |
| 宋 | 京東路 <small>大中祥符元年</small> 改京東西路 | 東平郡 鄆州 | 乾封 平陰 <small>大觀九年 置</small> 和九年改 東平府 平陰立 辛棄鎮 |
| 金 | 山東西路 | 東平府 | 平陰 |
| 元 | 山東東西道 | 濟甯路 | 肥城 <small>至元十年置</small> |
| 明 | 山東布政使司 | 濟南府 | 肥城 |
| 國朝 | 山東布政使司 濟南府 | 濟南府 | 肥城 |

| | | | |
|------|---|-----|----|
| 雍正 | 山東布政使司 | 泰安州 | 肥城 |
| 年 | 道 | | |
| 雍正 | 山東布政使司 | 泰安府 | 肥城 |
| 年 | 道 | | |
| 疆界 | 縣治在泰安府西九十里東至泰安縣界二十五里西至平陰縣界四十五里南至泰安縣界六十里北至長清縣界二十里東南至泰安縣界五十里東北至長清縣界六十里西北至平縣界九十里西南至東平州界六十里東西廣七十里南北袤八十里四鄉三十三社東北至省城一百六十里北達京師一千一百里 | | |
| 肥城縣志 | 卷之一 方城 | | |
| 肥城道中 | <p>肥城道中 <small>明陳鳳梧</small> 輶車曉發自肥城百里官程盡日行 五道嶺高烟柳暗一溪雨霽石泉清 瓊帷光透紗簾細甲騎聲馳羽箭輕最喜晴和初夏景 奚囊詩句奇閒情 肥城人烟斷崩巖調道低黍苗深 雉山樹散鴉歌路小邑誰絃誦 遺黎膾鼓鼙裝獨憑弔日下萬峯西 國朝何毓秀 過肥城口占 積雨浮林麓寒烟帶繡衣 孤亭當樹立一鳥逐雲飛 城郭頽而小人民瘠且稀 但求真愛養無事此名肥 國朝尹任 次韻 飛職多疎曠逢時念請衣 龜無羊載祀澤有雁于飛 園繪人人是絃歌處處稀 公私胥瘠甚猶幸地名肥</p> | | |